

# Des schnölle Göd

Text: Tom Lackner

1. Dea Bua schdeht do, ois woit' a waaß-Gott-wos doaschdöhn  
A klana Bücha med an tiaf'm Schbruch  
Oba scho zehn Meta geg'ng an Wind siecht ma eam au  
Ea schdeht in Woaheit oba voi ne'm de Schuach  
Na jo, a jeda Süchtla waaß, was a braucht  
Ob a jetz' schbrietz oda schnieft, ob a sauft oda raucht  
Ea pfeift auf oiß, was a hod  
Und bringt en ollaetzt'n Netsch dafia duach
2. Ea trogt an jed'n Cent, den a daschboat hod  
In die Krieau auf die Trabrennbaun  
Ea hod an Tipp von an Freind: „Setz glei ollas auf Sieg!  
I kenn mi aus, heast, do kaunnst ma vatrau'n.“  
Oba ea setzt ned glei oiß, ma kennt jo des Schbüh  
Und des is guat so, wöe sei Pfeed'l köecht ois Letzta duach's Züh  
Oba daunn pockt's eam und ea bringt en  
Rest von sein Daschboat'n no aun

Refr. Ea woit des schnölle Göd  
Traurech, oba woa  
A jeda wüh jo glei oiß, was nua iagendwia geht  
Und des fia nix – sofuat und in boa  
Se wo'n des schnölle Göd  
Na, des geht ma ned ein  
Und do weag'In s' ois wia  
Und dawisch'n doch nia  
Des schnölle Göd

3. Sie schaut eam au üba'n Raund von ia'n Glas'l  
A Biss'l foasch, oba scho dezent  
Sie mant, wia dea med da Marie umanaundahaut  
Is a schee g'nua – Na, was haaßt? – a Büd von an Dschent  
Oisa wog'lt s' mi'n Oasch, nimmt eam voi in's Visia  
Ea haut sein' letzt'n Schein aum Schäd'l und schbendiat ia r a Bia  
Es is de Liebe auf'm eascht'n Blick  
Wia ma's vom Schundheft'l kennt (wo ollas supa rennt)

Refr. Sie schdeht auf's schnölle Göd / Traurech, oba woa  
A jeda wüh jo glei oiß, was nua iagendwia geht / Und des fia nix – sofuat und in boa  
Se wo'n des schnölle Göd / Na, des geht ma ned ein  
Herrgott, do weag'In s' ois wia / Und dawisch'n doch nia  
Des schnölle Göd

4. Und so noch zwaa Woch'ng läit's Telephon, ea hebt oh  
Es is a Freind aus sein' Büro  
Dea waaß a todsicha's G'schäft. „Und jetz' pass auf, wöe jetz' kummt's:  
Ea losst uns einschdei'ng, Schatzi, afoch a so“  
Oisa raman s' schee brav iare Schboabiach'In aus  
Und auf'm Weg kauft sie wia üblich no a Zeidung fia z'haus  
Sie geht eine in's G'schäft  
Und da Dschent is seithea auf und davon (na, sowieso)

Refr. Ea hod es schnölle Göd / Traurech, oba woa  
A jeda wüh jo glei oiß, was nua iagendwia geht / Und des fia nix – sofuat und in boa  
Ea glaubt, des is de Wöd / Na, des geht ma ned ein  
Echt woa, du wuascht'lst ois wia / Und dawischst trotzdem nia  
Des schnölle Göd  
Tamest bled umanaund / Und kriegst niemois de Haund  
auf's schnölle Göd  
Bist von Berufsweg'ng floch / Rennst eam dei Leb'm laung noch  
En schnö'n Göd